



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 36. De dissolutione sponsaliorum

[urn:nbn:de:hbz:466:1-78477](#)

promissione virginem deflorauit: teneri sub mortali eam ducere. Haec multorum est, quos refert Sanchez in sequenti disput. 10. Et probatur: quia iustitia commutativa, contra quam talis peccat, non tantum perit ut reddatur aequaliter, sed etiam ut reddatur illud ipsum quod ex iustitia debetur. Nec enim potest solvi unum pro alio: vt si equum furatus es alicui, non potes eo inuito pecuniam, non item equum restituere. At in proposito casu, ex iustitia debetur consensu verus in matrimonium, cumde eo initus sit contractus sub conditione que impleta est, a pella faciendo sui corporis copiam. Neque refert, quod facta fuerit promissio: nam eo non obstante promittens tenetur promissum implere: sicut promittens Petro centum si Romanum eat, ipso eunte tenetur centum promissa solvere.

Limitanda est autem propositio haec, prout idem Sanchez in eadem disput. num. 5. & aliquot sequentibus habet: ut non procedat cum in diuitiis, nobilitate, & ceteris eiusmodi conditione talis disparitas fuerit viri & feminæ, ut haec merito credere debuerit se ab illo decipi. Aut ex verbis vel alii claris coniecuris facile noscere potuerit fallacem promittentis animum: quia tunc videatur fraudi voluntarie consentire. Nec item procedat si ex matrimonio scandalum magnum aut malus exitus probabiliter timeretur, quia tunc fatis esset pecunias damnum illatum resarcire, etiamsi sponsalia essent vera. Nec item procedat, si ex parte quoque feminæ intercesserit deceptio notabilis: qualis censetur esse corruptæ, se fingentes virginem: aut pauperis, se fingentes diutinem, aut alia eiusmodi, sufficiens ad vera sponsalia dissoluenda iuxta dicenda in sequenti cap. Sicut nec si femina deflorata, poitea fornicietur cum alio: nam haec est iusta causa recedendi a sponsalibus.

SED queri potest, An quando femina ignorauit excessum quo viri conditio superat suam conditionem; aut si nouit quidem, sed taliter facta est ea promissio, ut potuerit rationabiliter credere non facte sed vere fieri: An inquam deflorator ille fictus teneatur defloratam ducere. De qua re, in eadem disput. 10. num. 20. & 21. Sanchez in veramque partem authores refert: & negantem ut probabilitorem sequitur: quia non tenetur ad eam ducendam, ratione promissionis, cum fuerit facta & inualida: nec ratione illata iniuriae, quæ ex iustitia quidem debet refarciari: non tamen restituendo plus, quam damnum aestimatur. At minus aestimatur damnum virginitaris, quæ ablata est puellæ vilis conditionis, quam damnum matrimonii viri diutius ac nobilis. Itaque alia via, ut dotationem, arbitrio boni prudentis que viri sufficienti, poterit damnum huiusmodi compensari.

Similiter ex eodem auctore in sequenti nu. 23. & 24. non tenetur antea corruptam partem etiam conditionis ducere, cui facte promisit matrimonium, si copiam & sui corporis saceret: quia matrimonium longe maius est quam copula cum corrupta: nisi forte haec esset vidua bona famæ, quæ ex ea copula infamiam contraheret, matrimonioque inepta redderetur. Addit idem in sequenti num. 26. quando contrahentes fuerint aequales, uno vere & altero facte promittente, si nullum aliud damnum sequatur, quam violata fidei: si etum promisorem ad nihil aliud teneri, quam ad preuentiam, quæ Deo satisfaciat pro peccato quod commisit deceptione vtendo in re ad matrimonium sacramentum ordinata. Namq; homini non obligatur ex promissione que, ut pote facta, nulla est: neque ratione iniuria illata, quia nullum ex hypothesi, inde secutum est damnum alteri.

C A P V T . XXXVI.

De dissolutione sponsaliorum.

S V M M A R I V M .

257 Peccatum est mortale sponsalia dissoluere sine iusta causa: quarum prima est remissio partium consentientium in dissolutionem.

258 De ingressu religionis quatenus sit causa iusta dissoluendi sponsalia.

- 259 Devoto simplici castitati, quo modo ita sit causa iusta.
260 Dissolutio sponsaliorum per susceptionem sacri ordinis, aut per matrimonium postea inuitum.
261 Dissolutio ratione atatis, aut lapsus termini praefixi, aut absentie sponsi.
262 De formatione quatenus sit iusta causa dissolutionis sponsaliorum.
263 De superueniente impedimentoo matrimonii, aut corporis fecunditate.
264 De cognita post sponsalia, notabili sponsi sanita, ac scandalo, & de Pace dispensatione.

Communis consensus est, illum mortaliter peccare qui absq; iusta causa matrimonium contrahere non vult post facta sponsalia, etiam non iurata: unde poena illi imponenda statuit, ut cap. 1. De sponsa duorum. Et patet ex iis que initio praec. cap. dicta sunt. Iusta autem iustusmodi causa multiplex est, ut videtur est apud Sylu. in verbo Sponsalia quest. 10. & Narr. in Enchir. cap. 22. num. 25. & aliquot sequentibus. De quibus copiose Sanchez in lib. 1. De matr. disput. 42. & reliquis sequentibus. Eas paucis perstringo contentius.

P R I M A I C I T U R, de qua Sanchez in disput. 52. est remissio partium, cōsentientium in dissolutionem, ex cap. 2. De sponsal. ubi adducitur similitudo societatis qua mutuo sociorum consensu dissoluitur, sicut & contrahitur. Omnis enim res per duas causas nascitur, per easdem dissoluitur, cap. 1. De regul. iuris. Procedit autem haec causa quantumcumque sponsalia fuerint iuramento confirmata. De quo legendum est idem in eadem disput. 52. & num. 6.

S E C U N D A C A V S A, de quauidem in prius citata disput. 42. est ingressus religionis etiam professione non secuta. Cum enim ingrediens religiopem fatus declarat se sponsalibus renuntiare, liberam facit potestatem manent in seculo similiter reverti. Quod procedit sive ingreditur vero perseveranti animo, sive fraudulententer, animo egredendi: nisi quod in hoc casu, etiamsi alium faciat liberum ab obligatione, non tamen se: quia nemini sua fraus patricordi debet, cap. Ex tenore De rescriptis.

Hic moveri possunt aliquot questiones. Prima, An sponsalia iurata dissoluantur per ingressum religionis. Secunda, An emissio post sponsalia, religionis aut perpetua castitatis voto, possit quis matrimonium contrahere cum firmissimo animo ingrediendi religionem ante illius consummationem. Tertia, An illo eodem modo, possit matrimonium contrahere is, qui nullum tale votum emisit. Quarta, An post sponsalia contracta cum virgine, & sub spe matrimonii ea deflorata, licet defloratori ingredi religionem non contracto matrimonio, aut contracto quidem, sed non consummato. Quinta, An qui prius emissio religionis aut perpetua castitatis voto virginem deflorauit, dara fide de matrimonio contrahendo, teneatur potius ad matrimonium, quam ad voti observationem.

Earum explicatione Sanchez persequitur consequenter in disp. 43. 44. & 45. Paucis autem respondemus.

Ad primam, quod ante vniuersitatem cōsumum de sponsalibus, locum habere etiam in iuratis: quia iuramentum fortiter naturam & conditiones actus super quo interponitur ex cap. Que madmodum, De iuriurando. Et ideo si ea sit natura & conditio sponsaliorum ut per ingressum religionis dissoluantur, eamdein retinebunt, nec mutabunt ob oppositionem iuramenti eiusdem.

Ad secundam, alienum esse à recta ratione, ut quis obligetur ad id quod nullatenus implere intendit; praesertim in casu illius questionis, in quo (cum se exponit periculo votum violandi, propolihi mutatione) aliquatenus derogat dignitat voti & religiosi status, imo & dignitati sacramenti, & iniuria afficit sponsam: quæ compelleretur expectare donec professus sit: interim habita pro vxore Monachi: nec facile inueniet, cui nubat digno. Ex quibus in commodis intelligitur committi in eo peccatum mortale, prout Sanchez expressit, alios referens disput. 43. num. 7. exceptis tribus casibus, quos idem proponit in sequenti num. 8. Primus est, quando notabilis ad esset metus propria famæ aut vita amittenda, compellens ad contrahen-

dum. Secundus quando quis adstricetus voto ingredendi religionem tenetur inclusus, nec exitum obtinere potest, nisi contrahendo matrimonium. Tertius, quando ad vitandum magnum scandalum tale quid sit. Ad tertiam questionem eadem responsio est, quae ad precedentem. Nam pro illas parte negante eadem rationes militant, addita exceptione trium memoratorum casuum.

Ad quartam, Sanchez quæst. 44. respondet, defloratorem teneti in eo casu defloratam ducere. Ratio est: quia nequit aliger satisfacere debito, cui adstricetus est iustitiae vinculo: præsentim cum non sit permisum inuito creditore, vnum pro alio reddi: ex lege 2.8. Mutui f. Si certum pertatur. Quod, addit idem ibidem, pariter dicendum est, cum non intercessit quidem copula: sed fœmina magnam famam iacturam paſtura est culpa promittentis matrimonium, nisi ipsum contrahatur: prout supponimus, cum aliud remedium non suppetat ad talem infamiam vitandam. Neque in talibus casibus, addit idem consequenter, promissor si satisfacit illi debito, matrimonium contrahat, & ante illius consummationem ingreditur religionem: quoniam ea ratione non tollerunt damnum virginitatis & famæ. Aduerte autem in istiusmodi casibus, huc & quando coniugatus facit votum castitatis, non valere quidem votum in præiudicium fœminæ, valere tamen in præiudicium vouentis: adeo ut iusta aliqua de causa solitus sponsalibus, teneatur simpliciter seruare castitatem, quam vout. Ad quintam. In eo quoq; casu contrahendum esse matrimonium non obstante voto castitatis: quod ex communi doctrina non obligat rebus notabiliter mutatis, prout accedit in eodem casu per vinculum iustitiae fortissimum superueniens: & grauissimum proximi damnum sequutur. Si matrimonium non contrahatur. Pro quo alias rationes habet Sanchez disput: 45. & soluit contrarias. Interca admonens in num. 5. istud non procedere, si fœmina sciuerit promitteret sibi matrimonium, esse adstricatum voto, cum quo non potest licere illud contrahere. Cum enim scient & consentienti non fiat iniuria, neque dolus, ex regula 27. iuris in 6. predictum iustitiae vinculum cessabit, votum q; perseverabit in toto suo vigore, respectu etiam talis fœminæ.

TERTIA CAVSA IVSTA dissolutionis sponsaliorū (de qua idem in sequenti disput: 46.) est votum simplex castitatis, eadem sponsalia præcedens: nam facit ille irrita, tanquam continentia rei illicitæ promissionem. Quod si idipsum votum sponsalia sequatur, difficultas est an eadim. Pro qua Sanchez rationes & authores adserit in utramque partem: & negantem probabilitatem iudicat, iuxta cap. Veniens tit. Qui clerici vel vouentes: vbi fœmina quæ matrimonium promisit, penitentia imponitur de fide mentita sposo; etiam post promissionem, votum castitatis emiserit: vnde patet ipsum non dimittere sponsalia. Et ratio est, quia Deus non acceptat promissionem rei prius promissa alteri, tanquam factam in alterius præiudicium. Addit idem nihilominus n. 10. licitum esse votum castitatis, post sponsalia, secundum animo ingredendi religionem: cum illa non impedit talem ingressum: aut factū quidem animo promissum/implendi matrimonio in eo: sed pariter animo obligandi le ad castitatem, quantum potest ex sua parte. Nam ea ratione, ipsi etiam coniugari possunt castitatem vovere.

Sed aliquis obicit, quod si votum simplex castitatis subsistens sponsalia, ea non dirimat, neq; impedit matrimonium in eius promissum: quod aduersarunt edictis num. 184. Respondendum est in proposito casu votum sponsi obligare tantum in præiudicium sui ipsius: vt scilicet teneatur illud seruare si sponsalia dirimantur iusta aliqua de causa: itemque seruare quantum potest si matrimonium contrahere compellatur, vt non petendo debitum: non vero obligare se in præiudicium sponsæ (vt facit obligando sead ducendam eam cui fidem dedit) scilicet & votum castitatis emissum à conjugato valet in præiudicium ipsius: ita vt non possit debitum petere: non item in præiudicium vxoris, cui proinde petenti tenetur debitum reddere.

QUARTA CAVSA est, suscepitio sacri Ordinis: quæ suscipiente reddit incapacem sacramenti matrimoniij. De

voto quo quis post sponsalia se ad eamdem susceptionem adstringeret, idem esse licendum ac ante de voto simplici castitatis, docet Sanchez disput: 47. nempe non dissoluere sponsalia, & sic vouentem teneri matrimonium contrahere, nisi ingressum religionis eligat: aut nisi fides sponsaliorum, cuirentiatis censetur, ei remittatur ab altera persona: aut aliqua alia iusta de causa sponsalia ipsa soluantur. Iis solutis tenebitur illud suum votum implere facrum ordinum susceptione.

QVINTA CAVSA est matrimonium subsequens cum alia persona contractum, ex cap. finali 27. quæst. 2. & cap. Si inter Desponsal. & cap. I. De sponsa duorum. Quod intelligi si matrimonium illud sit validum. Nam inualidum non tollit obligationem sponsaliorum iuxta regulam 52. iuris in 6. Non præstat impedimentum, quod de iure non sortitur effectum. Per posteriora sponsalia vero etiam iurata non dissolu priora (quod Sanchez tractat disput: 49. & 50.) probatur: quia non modo promissio, sed etiam iuramentum factum de re iniqua & in irrationali præiudicium proximi, non est obligatorium, ex regula 58. iuris in 6. & ex cap. Cum contingat, De iure iurando.

Aduerte tamen, si posteriora sponsalia sint coniuncta cum carnali copula habita affectu maritali, vbi Concilij Trident. decretum, de quo egimus in præced. cap. 23. non est promulgatum (quia tunc transiunt in matrimonium) dare causam sufficientem dissoluendi præcedentia sponsalia. Imo & vbi promulgatum est idem decretum ratione grauatis damni illari per posteriora sponsalia, potest ex quadam æquitate priorum obligatio, quasi moraliter impossibilis, cessare: vt quādo virgo deflorata magnam honestam iacturam faceret, & altera non nisi modicum damnum pateretur ex non seruata ei fide. Hæc enim posterior ex charitate tenetur, tale modicum damnum pati ad vitandum alterius damnum grauissimum. Ex iustitia vero non tenetur: quia per iniuriam illatam alteri, non perdidit ius quod habuit quæsum. Si queras, an si priora sponsalia iusta de causa dissoluantur, is qui posteriora illiصادicit, eadem posteriora implere tenetur. Respondeat negatiue, quia non valuerunt: ne quidem in ratione promissionis: vtpro quæ fuerit rei illicita. At ex regula 18. iuris in sexto, Non firmatur tractu temporis quod ab initio non subsistit. Videri potest Sanchez disput: 50. num. 5.

SEXTA CAVSA est, etas: quando enim sponsalia contrahuntur ante pubertatem, impubes cum peruenierit ad pubertatem, non ante, potest illis renuntiare si voluerit, nisi antea interuenierit carnalis copula, ex cap. A nobis. De desponsal. impub. Item nisi fuerint sponsalia iurata, à quibus ne quidem impuberi licet recedere cap. Ex literis 2. De sponsalibus. Cum autem alter contrahentium fuerit pubes, non licet ei resilire a sponsalibus etiam si impuberileat, ex cap. De illis 1.5. fin. De desponsal. impub. Legi potest Sanchez disput: 51.

SEPTIMA CAVSA est, lapsus termini prefissi in sponsalibus. Si enim cum sponsalia contrahuntur terminus apponatur ad finiendam obligationem: vt quando contrahentes non absolvantur sibi fidem de matrimonio contrahendo, sed de contrahendo in tali termino, tunc lapsus termini ab obligatione liberat illum per quem non stetit quominus contraheretur, ex cap. Sicut. De sponsal. Quod idem dicendum est cum à Judice tempus adimplendis sponsalibus designatur ob imminens periculum fornicationis. Eum vero per quem nullo iusto impedimento detentum, stetit ne contraheretur: idem lapsus non eximit ab obligatione contrahendi ne aliqui ex culpa sua reportet cōmodum. Quod si terminus appositus sit tantum ad sollicitandam obligationem per sponsalia contractam, lapsus illius nullam habet vim eximendi ab obligatione. Videntur est Sanchez disput: 52.

OCTAVA CAVSA, de qua idem disput: 54. est absentia sponsi, cum se transtulit in regionē longinquam sine licentia sponsal. Iunctum enim huic liberū est nubere alteri, quantumcumque sponsalia fuerint iuramento stabilita, ex cap. De illis. Extra. De sponsal. Nota quod si sponsus esset in loco propinquo, expectari deberet, vel requiri vt intra certum tempus contrahat matrimonium: si que iusto impe-

dimento detineatur, non esse temere diuimenda sponsalia: sed arte *qua*s sponsa qualitate, quae forsitan ex morta exponitur fornicationis periculo. Ita alius citatis Sanchez num. II. Addens in 12. *alii* item *citat*, cum de proximo sponsi editio spes fuerit, non dissoluiri sponsalia, quia transferendi verbum, quod in memorato cap. ponitur dum dicitur, *Dimitit terram, se ad alias partes transferem*, importat diuturnitatem quamdam. Subiungens preterea in 13. cum sponsus de licentia sponsa transfluit in regionem longinquam, inter eosq; conuenit de absentia tempore expectare; nisi constaret ei sponsum inculpabiliter non venire tempore praefixo. Denique in 14. sponsam de futuro non teneri sponsum vagantem sequi: quod ad citatum cap. De illis, verbo *Transfertentes*, glossa notat. Atque adeo, si post sponsalia contracta, sponsa non sit sponsum velle mutare dominium, se in alium locum transferendo: posse resilire, cum notabilis facta sit mutatio non praecognita: nec sponsa tenetur sequi sponsum sicut virorū tenetur sequi virum.

NONA CAVSA, est fornicatio sequens ipsa sponsalia, etiam si iuramento sint firmata, ex cap. *Quemadmodum, De iure iur*. Agens de hac Sanchez disp. 55. sequentia notar. Primum, idem esse dicendum de spirituali fornicatione, hoc est, si alteruter ex sponsis labitur in haeresim: quoniam ea est quoq; notabilis mutatio inter tales personas. Secundum, in hac re nihil refertur sive vir sive mulier fornicetur. Referre autem si non fornicetur quidem, sed tamen tactus alterius impudicos, ut *amplexus & oscula*, patiatur. Namq; si foemina tales patiatur cedit in magnum viri dedecus: non item in magnum dedecus foemina: si vir patiatur: quo sit, ut vi. o. non autem foemina, derur in tali casu sufficiens causa recedendi a sponsilibus. Tertium ob eamdem rationem, viro sufficientem recedendi causam esse, foemina non item, quando fornicatio fuerit vi extorta, aut quando vtque similiter lapsus fuerit in fornicationem. Nam in talibus etiam casibus, multum notabilis muratio contingit ex parte viri, quem sponsa fornicatio, tanquam longe turpior, maiore infamia afficit, quam sua fornicatio afficiat sponsam, prout patet experientia. De quibus Sanchez in *citata* disp. 55. ann. 7. Postremum est, de quo in *praece*. num. 6. Causam hanc dissoluendi sponsalia esse in favorem solius innocentis: ideoque fornicantem adstrictum manere: quia delictum ipsius non debet ei praestare immunitatem & dissolutionem a contractu. Quae ratio ostendit idem esse statuendum in casibus duarum praecedentium causarum, hoc est, non liberari ab obligatione sponsaliorum culpabiliter transgredientem praefixum eis terminum, aut longe absensem diutius, quam pareret.

DECIMA CAVSA est, conditio sub qua contracta fuerint sponsalia. Nam si talis conditio non euenerit nihil actuum esse censebitur, ex cap. *De illis, tit. De condit. appositis*. Dum adhuc autem expectatur conditionis eventus, non licet resilire: ut lib. 5. disp. 6. num. 8. pluribus aliis citat. docet memoratus Sanchez. Et ratio est, quia ex tali contractu nulla alioqui obligatio daretur, & sic vltius illius esset vanus.

Vnde CIMA CAVSA est, superueniens matrimonii impedimentum maius, quo promissum redditum impossibile. Exemplum est, Si quis cognoscat sponsa consanguineam in 1. vel 2. gradu. Impedimentum vero minus superueniens sponsalibus (excepto voto simplicis castitatis, quod fecimus tertiam causam) nihil obstat: ut argumento est quod consuetudo obtinuerit prout in praecedenti nu. 192. annotauimus ex *Nauar. in Enchir. cap. 22. n. 85.* ut ad contrahendum matrimonium dispensatio in eius generis impedimentis non petatur. Quod quidem Sanchez lib. 1. disp. 56. nu. 3. attingens, non improbat.

DVO DECIMA CAVSA est, foeditas seu deformitas notabilis vni ex sponsis superueniens: qualis esset amissio nasi vel oculorum, aut paralyse, vel lepra, aliuse morbus contagiosus. Pro quo est textus in cap. *Quemadmodum*, §. Quod si, *De iure iur*. Id quod procedit etiam in aliis, quae notabilem deformitatem adserunt, etiam sponsalia sint iuramento firmata. Et ratio est: quia tam pro-

missio quam iuramentum intelliguntur rebus in eodem statu manentibus: talia autem faciunt magnam rerum mutationem. Monet autem Sanchez in seq. disput. 57. num. 5. quod cum haec causa sit in favorem illius qui perseverat ille sus, ea occurrante sponsalia dissoluiri tantum ipso volente, non item nolente: nisi matrimonium cum aliqua istiusmodi infirmitate contractum, adferret infirmo notabilem sive animi sive corporis detrimentum: quia tunc ex parte quoque illius, status rerum esset notabiliter mutatus: quod ei sufficit, ut non teneatur stare fidei sponsaliorum.

DECIMATERTIA CAVSA est, notabilis asperitas seu severity alterius sponsi de novo cognita: itemque capitales inimicitiae inter sponsos ipsos exortae. Illa enim est sufficiens causa diuorci, ex cap. *Litteras, in fine, De restit. spoliar.* Erit ergo a fortiori, & dissolutionis sponsaliorum. Has vero ne matrimonium infelices exitus habeat, dare causam sufficientem dissolutionis sponsaliorum quantumcumque ea sint iurata, constat ex cap. 2. & ex ea. Requisuit, *De sponsal.* Et confirmatur ex eo, quod sponsalia de se ordinentur ad mutuum amorem, & ad contrahendum matrimonii consummati vinculum omnino indissolubile. Istud vitrumq; pluribus aliis citatis tenuerunt Sanchez disput. 58.

DECIMA QVARTA CAVSA, de qua idem disput. 59. est paupertas superueniens: ea enim adserit valde notabile mutationem: promissioque, etiam iurata, intelligitur rebus in eodem statu permanentibus, argumen. cap. *Quemadmodum, De iure iur*. Addit idem *isidem in fine*, quod nibilominus si uno sponso in eodem statu permanente, accrescat alteri ingenio rerum copia, non ideo dissoluantur sponsalia: quia priorille non est propterea effectus deterioris conditionis quam fuerit quando sponsalia contraxit.

DECIMA QVINTA CAVSA est timor scandalum, aut malo exitus matrimonij: ut quia notabiliter laetetur proximi charitas, dissoluerit parentum pietas, & cognatorum amicitia. Nam cum graue peccatum sit contra charitatem taliter contrahere matrimonium, sponsalia quibus id promissum est, quia sine peccato impleri non possunt, censeri debent direpta. Videri potest Sanchez lib. 1. disp. 14. nu. 3.

VLTIMA CAVSA, est dispensatio, quam solus Papa dare potest, vt rex *Palud. Sanchez* habet in seq. disp. 61. quia per sponsalia ius acquiruntur tertio, quod nullus potest auferre ab eo, praeter Summum principem.

PARS RELIQVA CAPITIS.

In qua traduntur documenta quadam generalia de causis iustis dirimendi sponsalia.

SVM MARIUM.

- 265 Ob inconveniens aliquod negligibile superueniens, dissoluiri possunt sponsalia: & quod cause sufficientes ad dissoluendum matrimonium, sint quoque ad dissoluenda sponsalia.
- 266 Quatenus dolus reddat sponsalia inutilida.
- 267 Quid sit de eo qui quando contraxit sponsalia, ignorauit causam ea dissoluendi: & post cognitam, carnalem copulam habuit: quodq; non amittatur ius exigendi promissum, quando causa fuerit occulta.
- 268 Quando ad sponsaliorum dissolutionem requiratur, & quando non requiratur iudicis auctoritas: & quare ratione fieri debet talis dissolusio.
- 269 Eadem que ad dissolutionem sponsaliorum sufficiunt in foro externo, sufficiunt & in interno.

HACTENVS in particulari de causis iustis dissoluendi sponsalia, de illis in vniuersum restant quadam documenta notanda.

PRIMVM EST, Quando post contracta sponsalia, etiam iurata aliquod notabile inconveniens aut noua causa su-

264.

265.

peruenit, censendam esse iustam causam ea dissoluendi si ipsa existens a principio impediisset illa contrahiri. Probatur: quia tunc censenda est interuenisse tacita contrahentis voluntas, ut ea dissoluerentur, neque promissio obligat ultra promittentis intentionem, que non modo actualis, sed et virtualis interuenit, quoad illud quod si cognoscatur, nullo modo fieret promissio. Pro quo documento Sanchez lib. I. disp. 62. num. 3. multos authores citat. Additum; afferenti se minime promissum fuisse matrimonium, si talem causam adesse nouissem, credendum esse in vitroque foro; quando id ita esse verosimile est iudicio viri prudentis, consideratis negotii circumstantiis in viuierum. Ea enim quae in animo constunt, cum nequeant hominibus sic innotescere, ut probari possint testibus: probantur tantum iuramento parts, ut ex Couar. & aliis in fine eiusdem disputationis idem Sanchez habet.

S E C U N D U M D O C V M. Est, causas sufficientes ad dissoluenda sponsalia praecedentia, sufficientes quoque esse ad dissoluenda sequentia etiam iurata: si tamen dum haec celebrabantur illae fuerint probabiliter ignoratae. Hoc fuisse tractans Sanchez disput. 63. sed sufficit fundamentum illud ex cap. Quemadmodum, De iure iuri, quod rebus notabiliter mutatis promissio non obligat. Quod autem in eodem cap. notantur aliqua causa, ut fornicatio, paralyticus, lepra, ob quas non solvantur sponsalia sequentia sicut praecedentia: intelligendum est de talibus, quando ex non fuerint probabiliter ignoratae, dum sponsalia ipsa contrahentur.

T E R T I U M D O C V M. Est, sponsalia ipso iure irritata, cum dolus admissus per unum ex sponsis, dedit causam contractui corundem: seu quando causa cur ea contrahentur, fuit quod unus sponsus alterum dolu decepit. Est vero valida, sed deceptrum habere ius illa dissoluendi, quando talis dolus unus sponsus particeps non est: sed alter qui cum ipso contraxit, ab aliquo tertio est deceptrus, aut certe a nullo, sed tantum ab existimatione sua falsa. De qua Sanchez disp. 64. vbi huius discriminis rationem adfert ex Ludouico Molina; quod contractus cui dolus dat causam quando procedit ex iniustitia alterius ex contrahentibus, sit malefidei contractus, in quo simul concurrent imperfectio consensus & iniuria facta ei cum quo contrahitur contractu onero: unde merito censetur irritus, tanquam inuoluntarius: quandoquidem nullus est, qui non recusat contrahere cum eo qui mala fide, & nocendi animo agere cognoscetur. Addendum expedire bono communii, ut valeant contractus, & maxime sponsalia, quibus dolus unius ex contrahentibus, causam dederit cu alterius iniuria. Cum autem ex доло oriatur tantum imperfectio consensus, non item iniuria, quam contrahens contrahenti inferat, contractus censeri potest valere: quia est in illius substantiam verus consensus. Nec obstar error, quia non est circa contractum, sed circa causam contractus: unde habet ut possit irritari, non auctem, ut de se irritus sit.

Q U A R T U M D O C V M. Est, Quando sponsus contraxit sponsalia ignorans causam que liberant sufficientes ad illorum dissolutionem, si eo affectu illa contraxit ut etiam tales causas inuisit, non desitit iste a contrahendo, non esse ipsi licitum sponsalia ipsa dissoluere, ob easdem causas de novo cognitas. De hoc Sanchez disp. 65. Cuius fundamentum est, quod dolus tunc non der causam contractui, neq; accidat mutatio, quae si praeuisa fuisset, contractum imperdiuisset.

Q V I N T U M D O C V M. Est, Quod sponsus carnaliter accedens ad sponsam, censetur remittere ius rescindendi sponsalia ratione causae ignoratae: siue praecedentis illa, siue subsequenter, si tempore copulae conscius erat illius eiusdem causae. Hoc probatur a maiori: quia ius petendi diuortium amittit coniux, qui cognoscens causam adesse sufficientem illud petendi, ut fornicationem commissam ab uxore ipsam nihilominus carnaliter cognoscit: quoniam talis factio censetur renunciare tali iuri: sicut factio diuortio eam cognoscens carnaliter, censetur ei reconciliari. Videri potest Sanchez disputat. 66. vbi in-

ter cetera docet ista procedere, quantumuis sponsus cognoscendo sponsam carnaliter, voluntate habeat non remittendi: quia positra carnali copula retristio non ex filios voluntare, sed ex iure matrimoniali proficiat.

S E X T U M D O C V M. Est, Eum ex cuius parte causa est sufficientis dissoluendi contracta vere sponsalia, non perdere ius exigendi promissum, quamdiu talis causa latet. Probatur: quia non tenetur prodere defectum suum, ut a iudice velab ex ore priuetur iure quæstio: neque talis priuationis, tanquam pene qua dignus est, tenetur ipsemet executor esse. Ita Sanchez disput. 68. tractans multos citat in contrarium: quod non carer probabilitate: & tanquam tatus videtur in praxi sequendum, cum aliquod notabile damnum haud obstat quin preferatur.

S E P T I M U M D O C V M. Est, Si causa dissoluendi sponsalia, sit moraliter, seu sufficienter ad probabili opinionem, certa, tam de iure: quia scilicet est in iure expressa, quam de facto: quia certum est eam adesse: sponsalia ipsa posse dissolui propria autoritate, nec desiderat authoritatem Iudicis, nisi sciat aliam alioqui oritur. Ratio est, quia nullo iure catetur authoritatem Iudicis ad id esse necessariam, & dissoluens suo iure vitetur. Quod si causa est incerta, peccatum quoque mortale esset propria authoritate sponsalia dissoluere: quia probable adest iniustitiae periculum, ne in dubio alter priuetur iure per illa acquifito. De qua re latius Sanchez disput. 69.

Sub cuius finem monet talem Iudicem esse solum Ecclesiasticum, ordinarium vel delegatum: quia haec materia est spiritualis, ideoque non pertinet ad Laicos, ac tractatur in foro externo in quo Ordinarius vel ipsius delegatus est Iudex, non item Parochus. Monet etiam recte in disput. 70. causam non esse statim deferendam ad Iudicem: sed prius monendam esse partem, ut dissolutioni consentiat, ne infamiam incurrit. Sique nolit, adeundos esse parentes, vel Praetatum, vel alios viros pios, qui ad modum patris eam moneant, qua adhuc resistente, has erit ad tribunal Iudicis eam deferre; in quo probatio sufficientis ut Ecclesia sponsalia dissoluat (quod idem latius disp. 71. explicat) esse poterit vnicum testis, ex cap. Super eo, 2. De testibus, & cap. Præterea, 2. De sponsal. Ratioque est: quia agitur tantum de vitando peccato quod committeretur contrahendo contra Ecclesias prohibitionem. Debet autem, ut ille addit in eadem disputat. 71. concl. 2. talis testis deponere, non autem denunciare solummodo. Debet item iurare afferendo se certo scire impedimentum, ac demum debet esse non vilis persona. De quibus ille latius: in quibus tanquam spectantibus ad forum externum non est quod immoremur.

O C T A V U M D O C V M. Est, Ad dissoluenda sponsalia etiam iurata, satis esse quod utique sponsus impedimentum fateatur. Ratio est: quia illa confessione factis ostendunt mutuam resiliendam voluntatem. Quod si alter tantum fateatur: isque sit qui matrimonium celebrari optat, cum si ostendat se non contradicere alteri volunti resiliere, sponsalia de mutuo consensu dissolvi censentur. Secus vero, si sit ille qui recusat matrimonium celebrari, quia non habetur fides illius confessioni, tanquam facta in suum fauorem, & in præiudicium iuris ab altero quæstio.

V L T I M U M D O C V M. Est, In foro conscientia eam cognitionem impedimenti matrimonij sufficere posse ad resiliendum a sponsalibus, quæ satis esset in foro externo. Et ita unum testem ex certa scientia quam habentur auctem, aut famam (iuxta cap. Supereo, De consanguinitate) sufficientem, cognitionem dare pro foro interno, sicut & pro externo. Ita quoque docet Sanchez in eodem libr. 1. quæst. vltima.



TRACTATUS V.

De iis que annexa sunt Matrimonio concomitante.

Huius generis sunt modi contraheendi matrimonium, obligatio ad reddendum coniugale debitum, & obligatio cohabitandi. Primus autem modus in eo consistit, quod matrimonium nonnunquam omnino libere, nonnunquam coacte contrahatur: ad cuius intelligentiam sufficiunt dicta de consensu in praeced. cap. 3, & de vi seu graui iure in cap. 13. Secundus vero modus consistit in eo, quod nonnunquam palam, nonnunquam clam contrahatur: ad cuius quoq; intelligentiam sufficiunt dicta in cap. 23. Tertius potro in eo, quod nonnunquam contrahatur absolute: nonnunquam sub aliqua conditione: ad cuius explicationem nobis primo loco est hic detaili conditione dicendum. Quartus denique in eo quod nonnunquam valide, nonnunquam invalidem contrahatur: qui satis notus est ex antedictis de maioribus impedimentis in tract. 3, tit. 2. per totum: nisi quod de matrimonio per ignorantiam contractio invalidem, superfunt quædam pro praxi necessaria scitu, de quibus secundo loco dicemus: tertio dicturi de obligatione ad reddendum coniugale debitum, & quarto de obligatione ad cohabitationem, & postremo de diuortio utriq; ei obligationi aduersante.

CAPUT XXXVII.

De conditionibus appositis matrimonio.

SUMMARIUM.

- 270 Differunt h. e. matrimonia esse cum causa, esse cum demonstratione, aut cum modo, aut cum conditione: & quod nec demonstratio nec causa nec modus vident sponsalia.
- 271 Probabile est, conditiones que in matrimonio admittuntur, vel reiciuntur, admitti quoque & reici in sponsalibus, & varietas talium conditionum.
- 272 Conditiones non redentes matrimonium conditionale.
- 273 De conditionibus honestis & possibilibus, que reddit matrimonium conditionale.
- 274 Conditio apposita contra substantiam, aut bona matrimonij, reddit ipsum in validum.
- 275 Quid indicandum, si non sit quidem contraria: turpis tamen sit aut impossibilis, & quid de conditione impertinente.

De his conditionibus agitur in iure canonico cap. S. 1. & cap. A. Aliquando, 32. q. 2. & 19. Decretalibus r. 1. De conditionibus appositis, & à Nauar. in Enchir. cap. 22. num. 61. & aliquot sequentibus. Couarr. in Epitome 4. Decretalium parte 2. cap. 3. Sylvestro in verbo Matrimonium terio, ac pluribus aliis. Loco omnium Sanchez esse potest, qui toto lib. 5. alii citatis, latissime eandem materiam tractat. Porro etiam tales conditiones vix locum habeant vbi decretum, de quo diximus in supra memorato cap. 23. Concilij Trid. promulgatum est: quia in matrimonio que in facie Ecclesiae contrahuntur vix adhibentur: tamen vt de matrimonio sub conditione contractis possit iudicari. Itemq; de sponsalibus circa quæ nihil ab eodem Concilio innovatum est: operæ pretium erit saltē explicare quomodo tales conditiones sint intelligendæ, quod fieri per aliquot documenta.

PRIMVM Est, multum differre matrimonia que sunt cum causa, cum demonstratione, cum modo, & cum conditione. Nam matrimonium sit cum causa, quando denotatur causa ob quam contrahitur, communiter quæda declaratur per particulam, Quia: vt contraho tecum, quia pulchra, aut diues es. Fit vero cum demon-

stratione quando denotatur aliqua qualitas in contrahentibus, & explicatur per relatum & dictiōem importantem aliquam qualitatē: vt Doco te quæ libera es, aut virgo. Fit autem cum modo, quando significatur aliqua quasi adiectio oneri ad quod contrahens matrimonium vult alterum cum quo contrahit obligare, & communiter explicatur per coniunctionem vr, dicendo, verbi gratia, Doco te vt diuicias vel honorem consequar. Fit denique cum conditione quando aliquid adiicitur suspendens contractum: vt dicendo, Contraho tecum si pater meus voluerit: sicut enim explicans suum consensum satis ostendit eum talem esse, vt nolit contractum matrimonii celebrari, nisi existente conditione quam interponit.

SE C V N D V M D O C V M E S T, nec demonstrationem, nec causam, nec modum per se suspendere contractum matrimonii, aut vitiare. Ratio est: quia nihil eorum spectat ad substantiam consensus, quo talis contractus perficitur. Nam demonstratio tantum est contrahentis opinio de persona cum qua contrahit. Causa vero est motum quo is adducitur ad contrahendum: & modus est quid consequens ipsius contractum. Dictum est autem, per se, quia ex accidenti possunt nullare matrimonium: vt quando simul cum illis contingit impedimentum aliquid ex maioribus, vel ad error conditionis: vt quando contrahitur dicendo, Contraho tecum quæ es libera, vel quia es libera: eaque est seruulis conditionis: vel quando contingit aduersari substantia, aut bonis matrimonij: vt cum modus est: contraho vte relinquam cum inueniero pulchritorem, vel vt sterilitatem procures: illud enim repugnat perpetuitati matrimonij, quæ est de illius substantia: & hoc proli, quæ est eiusdem bonum. Vindicatur Sanchez in eodib. 5. disput. vltima.

TERTIVM D O C V M E S T, Probabile esse conditiones quæ admittuntur vel reiciuntur in matrimonio, easdem admitti similiter vel reici in sponsalibus. Hoc Sanchez in eodem lib. disput. 17. num. 2. probat: quia sponsalia sunt in iurum quoddam matrimonii: & ideo dispositum in matrimonio, censetur dispositum in sponsalibus, lege Oratio, ff. De sponsalibus. Quæ ratio quamvis eludi possit dicendo sponsalia valida posse dissolvi mutuo consensu contrahentium, non autem matrimonium validum: ita vt non sit consequens, vt si qua conditio matrimonii, reddat ipsum in validum reddit & sponsalia si illis adiiciatur: nihilominus propositum documentum censendum est sufficiens fundamentum habere ex communi Doctorum consensu, quos magno numer. idem referit ibidem numero 2. tum in preced. disputat. 16. num. 5. & 7.

Conditiones autem, quæ in matrimonio vel admittuntur vel reiciuntur, sunt vel generales, vel speciales: quarum illæ, tacite cuilibet contractui insunt, quamvis non exprimantur: vt Si vixerimus, & similes de quarum numero est illa, Si Deus voluerit: intellecta de voluntate beneplaciti, quæ Deus omnia quæ sunt vult aut permitit: non item in intellecta de voluntate approbante, ut sensus sit, Si non displaceat Deo. Ita Sanchez in ead. lib. quinto, disput. 1. num. 11. Speciales conditions quædam sunt intrinsecæ, quæ debent matrimonio inesse ut valeat: verbi gratia, Si non sis consanguinea, vel non sis moralis, contraho tecum. Quædam vero extrinsecæ: harumque rursus alia sunt necessaria: vt Si sol cras oriaritur, contraho tecum alia impossibilis, vt si Lunam dentibus apprehenderis, contraho tecum: alia demum contingentes seu possibles. Quæ adhuc vel sunt honestæ, vt si parentes consentiant, contraho tecum: alia indifferentes & ad matrimonium impertinentes omnino: vt Contraho tecum, si seruus cras è villa redierit: & demum alia turpes seu obligantes, aut iniuriantes alterum ex contrahentibus ad aliquid peccatum in futurum admittendū. Quarum quædam possunt se contra substantiam vel bonum matrimonij, vt Contraho tecum si mihi liberum fuerit te relata quando volueris aliam ducere: alia vero non esse, vt Contraho tecum si fratrem occideris, vel si furtum commiseris.